

OBAVJEŠTENJE ZA JAVNOST MINISTARSTVO ZA NAUKU, VISOKO OBRAZOVANJE I MLADE KS

Ministarstvo za nauku, visoko obrazovanje i mlade Kantona Sarajevo je, u skladu sa Zakonom o upravnom postupku i Pravilnikom o registru studentskih organizacija, donijelo rješenje kojim se Studentski parlament Univerziteta u Sarajevu briše iz Registra studentskih organizacija Kantona Sarajevo i kojim udruženju prestaje status studentske organizacije na području Kantona Sarajevo.

S obzirom na netačne i nezvanične informacije koje su se jučer pojavile u medijima, kao i izjave Imrana Pašalića u kojima navodi da Ministarstvo za nauku, visoko obrazovanje i mlade KS nije nadležno za vršenje nadzora nad djelovanjem studentskih udruženja i organizacija na području KS, želimo informisati javnost da je različitim zakonskim aktima jasno definisan nadzor, i to:

1. **Zakon o udruženjima i fondacijama Federacije Bosne i Hercegovine ("Službene novine Federacije BiH", broj 45/02), član 47:** „Nadzor nad zakonitošću rada udruženja i fondacija vrši nadležni federalni, odnosno kantonalni organ uprave, u čije područje spada praćenje stanja u oblasti na koju se odnosi djelatnost udruženja ili fondacije“.
2. **Pravilnik o registru studentskih organizacija na području Kantona Sarajevo ("Službene novine Kantona Sarajevo", broj: 47/14):** "Nadzor nad zakonitošću rada studentske organizacije vrši Ministarstvo u skladu sa zakonom."

Zaprimanjem anonimnih prijava na rad SPUS-a, a u skladu sa nadležnostima propisanim Zakonom o studentskom organizovanju na području Kantona Sarajevo i Pravilnikom o registru studentskih organizacija na području Kantona Sarajevo ("Službene novine Kantona Sarajevo", broj: 47/14), Ministarstvo je detaljno analiziralo usklađenost Statuta Udruženja "Studentski parlament Univerziteta u Sarajevu" sa Zakonom, odnosno izvršilo reviziju kompletne dokumentacije koja prethodi upisu u Registar studentskih organizacija.

Analizom Statuta Udruženja "Studentski parlament Univerziteta u Sarajevu" uočene su sljedeće neusklađenosti:

1. Član 1, stav (3) Statuta - U ovoj odredbi je navedeno da "Studentski parlament vrši javne ovlasti u okviru Univerziteta u Sarajevu". Potrebno je brisati riječi "vrši javne ovlasti", jer Zakonom o studentskom organizovanju nije data ova nadležnost Studentskom parlamentu.
2. Član 2, stav (4) Statuta - Ovu odredbu je potrebno uskladiti sa članom 26, stavovima (4) do (8) Zakona. Ova odredba Statuta ne propisuje obavezu SPUS-a da pribavi rješenje Ministarstva o usklađenosti Statuta sa Zakonom. Članom 26, stav (5) Zakona izričito je propisano da "nakon usvajanja statuta od strane Skupštine, predsjednik dostavlja statut Ministarstvu s ciljem pribavljanja rješenja o usklađenosti statuta sa Zakonom".
3. Član 3, stav (3) Statuta - U ovoj odredbi Statuta se navodi da je "student koji želi biti punopravni član Studentskog parlamenta obavezan uplatiti participaciju (članarinu) na račun Studentskog parlamenta u propisanom iznosu". Potrebno je jasno definisati propisani iznos participacije (članarine) ili jasno utvrditi koje tijelo utvrđuje taj iznos članarine.
4. Član 3, stav (4) Statuta - Dio rečenice u ovoj odredbi (na kraju stava) koji glasi: "i pravo na apliciranje za učešće na projektima Studentskog parlamenta" potrebno je brisati, jer je isto u suprotnosti sa članom 9, stavovima (3) i (4) Zakona.

Član 9. stav (3) Zakona: Prilikom upisa na studij, kao i na svaku narednu godinu studija, student koji želi biti član studentske organizacije obavezan je uplatiti participaciju (članarinu) na račun studentskog parlamenta matičnog univerziteta, fakulteta/akademije Kantona Sarajevo, u iznosu definiranom statutom Studentskog parlamenta, a koji ne smije prelaziti iznos veći od iznosa utvrđenog na ime osiguranja studenta.

Član 9. stav (4) Zakona: Uplatom članarine iz stava (3) ovog člana i ispunjavanjem uslova iz člana 8. stav (1) ovog zakona, student stiče aktivno biračko pravo da bude biran u organe i tijela studentske organizacije.

5. Član 4, stav (2) Statuta - Nadležnost koja je ovom odredbom data Izvršnom odboru (izbor počasnih članova Studentskog parlamenta) može pripadati samo Skupštini SPUS-a, a ne Izvršnom odboru. Ovu odredbu je potrebno uskladiti sa Zakonom.
6. Član 7, stav (7) Statuta - Nejasno je na koji način se vrši objedinjavanje studentskih vijeća. Potrebno je preciznije definisati ovu odredbu.
7. Član 7, stav (8) Statuta - Potrebno je brisati riječ "ocjenom", jer SPUS nije nadležan da ocjenjuje kvalitet nastave. Ovu odredbu uskladiti sa članom 27, tačka (d) Zakona.
8. Član 7. stav (9) Statuta — Ovom odredbom je propisano da SPUS „učestvuje u postupku interne evaluacije Univerziteta u skladu sa Statutom Univerziteta“. Uvidom u Statut Univerziteta u Sarajevu, utvrđeno je nije propisano da izričito SPUS učestvuje u postupku inteme evaulacije Univerziteta (niti je utvrđen postupak tog učešća). Ovaj stav je potrebno uskladiti sa Statutom Univerziteta u Sarajevu.
9. Član 8. stav (15) Statuta — Ovom odredbom je propisano daje djelatnost SPUS-a „raspisivanje studentskih konkursa“. Nejasno je o kojim studentskim konkursima je riječ. Ovaj stav je potrebno preciznije definisati.
10. Član 11. Statuta — Ovim članom je utvrđeno da broj delegata Skupštine utvrđuje Izvršni odbor posebnom odlukom, što nije u skladu sa članom 29. stav (1) Zakona, kojim je propisano da se kvote uređuju statutom, a nije ostavljena mogućnost prenošenja ove nadležnosti na druga tijela i akte. Potrebno je uskladiti ovaj član.
Član 29. stav (1) Zakona: Skupština je najviši organ SPVU-e, kojeg čine od jednog do tri predstavnika svake organizacione jedinice u sastavu visokoškolske ustanove, izabrani na tajnim, neposrednim izborima, između kandidata predloženih na izbornim listama organizacionih jedinica prema kvotama predstavnika koje se uređuju statutom.
11. Član 12. Statuta — U ovorn članu (nadležnosti Skupštine) izostavljena je nadležnost propisano članovima 29. stav (4) tačka f) Zakona kojim Skupština bira studentske predstavnike u Upravni odbor, Senat i druge organe i tijela visokoškolske ustanove. Ova nadležnost je nezakonito dodijeljena Izvršnom odboru u članu 17. stav (3) ovog Statuta. Nadležnost Skupštine uskladiti sa članom 29. stav (4) tačka f) Zakona.
Član 29. stav (4) tačka f) Zakona: Skupština „bira studentske predstavnike u Upravni odbor, Senat i druge organe i tijela visokoškolske ustanove“.
12. Član 12. stav (10) Statuta — U ovoj odredbi riječ “prihvata” zamijeniti riječima „odlučuje o“.
13. Član 13. stav (1) Statuta — Ovom odredbom je propisano da se godišnje održava najmanje jedna sjednica Skupštine, a što nije srazmjerno broju i obimu nadležnosti Skupštine propisanim u članu 29. stav (4) Zakona. Potrebno uskladiti.
14. Član 13. stav (2) Statuta — Ovim članom je propisano da se mogu održavati redovne i vandredne sjednice, što opet dovodi u pitanje minimalan broj sjednica propisanih stavom (1) ovog člana, zbog čega su ova dva stava u koliziji. Potrebno uskladiti.
15. Član 16. stav (5) Statuta — Ovom odredbom se utvrđuje način izbora članova Izvršnog odbora. S obzirom da je članom 30. stav (2) Zakona decidno propisano ko čini Izvršni odbor, nejasno je o kojoj vrsti izbora je riječ. Potrebno uskladiti.
Član 30. stav (2) Zakona: Izvršni odbor čine predsjednik, zamjenik predsjednika, sekretar i predsjednici stručnih tijela.
16. Član 17. stav (3) Statuta — Ovom odredbom je propisano da Izvršni odbor imenuje i razrješava predstavnike studenata na prijedlog predsjednika u tijela Univerziteta u Sarajevu, što je u suprotnosti sa članom 29. stav (4) tačka (f) Zakona. Zakonom je propisano da ova nadležnost pripada Skupštini, a ne Izvršnom odboru. Potrebno uskladiti.
Član 29. stav (4) tačka (f) Zakona: (nadležnost Skupštine) „bira studentske predstavnike u Upravni

odbor, Senat i druge organe i tijela visokoškolske ustanove“.

17. Član 17. stav (8) Statuta — Ovom odredbom je propisano da Izvršni odbor vodi poslovanje SPUS-a, što nije propisano članom 30. stav (3) tačka (a) Zakona (nadležnosti Izvršnog odbora). Potrebno uskladiti.
18. Član 17. stav (9) Statuta — Ovom odredbom je propisano da Izvršni odbor donosi i sprovodi odluke, pa je potrebno brisati riječ „donosi“, jer Izvršni odbor izvršava odluke Skupštine na način kako je to propisano Zakonom.
19. Član 18. stav (3) Statuta — Ovom odredbom je propisano da u slučaju hitnosti predsjednik SPUS-a može tražiti izjašnjavanje putem elektronske pošte. Potrebno je predvidjeti mogućnost održavanja elektronske sjednice u slučaju hitnosti.
20. Član 23. stav (2) Statuta — Ovom odredbom je propisano da se „predsjednik Komisije bira većinom od ukupnog broja članova Skupštine, a ako nijedan kandidat nije dobio takvu većinu, u drugom krugu izbora u koji ulaze dva kandidata sa najvećim brojem glasova, smatra se izabranim kandidat koji je dobio većinu glasova prisutnih“. Uskladiti sa članom 34. stav (2) Zakona.
Član 34. stav (2) Zakona: Predsjednika korn isi je bii a Skup“stiisa SPVU-e natpolovićnoiB već inoir pi’isvitn ill članova iz i eda svo,jiti članova. na pi ijedlog prieds jedn ika SPVU-e ili na in icijativu najmanje 1/4 članova skupštine.
21. Član 23. stav (3) Statuta — Ovom odredbom je propisano koliko članova može imati komisija i da sastav komisije Izvršnom odboru predlaže predsjednik komisije. Odredba je u potpunosti nejasna, s obzirom da je Zakonom utvrđeno da je nadležnost Izvršnog odbora iniciranje formiranja stručnih tijela za obavljanje poslova, pa se postavlja pitanje po kojem osnovu predsjednik predlaže sastav komisije Izvršnom odboru (tijelu koje nije nadležno da imenuje komisije).
22. Član 23. stav (5) Statuta — Ovom odredbom je propisano da „predsjednik komisije može biti razriješen dužnosti dvotrećinskom većinom članova Izvršnog odbora, na prijedlog predsjednika“. Predsjednika komisije može razriješiti tijelo koje ga je imenovalo, što je u ovom slučaju Skupština, a ne Izvršni odbor (nema zakonsku nadležnost da razrješava predsjednika komisije).
23. Član 23. stav (3) i (5) Statuta — Naprijed navedene odredbe su i u koliziji sa članom 25. stav (1) ovog Statuta. Članom 25. stav (1) ovog Statuta je propisano da „Skupština svojom odlukom bira i razrješava komisije“.
24. Član 26. — Ovom odredbom je utvrđeno da „Izvršni odbor i predsjednik SPUS-a obrazuju povremena i stalna stručna tijela (komisije) za pojedine oblasti svoga djelovanja“, što je u suprotnosti sa Zakonom, jer Izvršnom odboru i predsjedniku SPUS-a nisu data ovlaštenja/nadležnosti da imenuju komisije.
Takoder, član 26. Statuta je u suprotnosti sa članom 25. stav (1) ovog Statuta. Članom 25. stav (1) ovog Statuta je propisano da „Skupština svojom odlukom bira i razrješava komisije“.
25. Član 37. stav (1) Statuta — Ovom odredbom je utvrđeno da je „skupština najveći organ studentskog vijeća kojeg čine predstavnici studenata sa svake studijske godine koji se biraju po postupku utvrđenim statutom studentskog vijeća“, koju je potrebno uskladiti sa članom 38. stav (1) Zakona.
Član 38. stav (1) Zakona: Skupština je najviši organ studentskog vijeća SPVU-e kojeg čine predstavnici studenata sa svake studijske godine koji su izabrani na tajnim, neposrednim izborima, između kandidata predloženih na izornoj listi.
26. Član 41. stav (1) Statuta — Ovom odredbom je propisano da se „izbori za organe i tijela održavaju jednom godišnje, a vanredni po potrebi i da se u pravilu izborna skupština održava početkom kalendarske godine“, koju je potrebno uskladiti sa članom 40. stav (1) Zakona, jer je ovim članom Zakona propisano da se izbori za studentske organizacije održavaju između 15. i 30. aprila u tekućoj akademskoj godini.

Član 40. stav (1) Zakona: Izbori za studentske organizacije održavaju se, u pravilu između 15. i 30. aprila u tekućoj akademskoj godini.

27. Član 41. stav (3) Statuta — Ovom odredbom je propisano da se „izborna komisija obrazuje od strane Izvršnog odbora na prijedlog predsjednika Skupštine“, koju je potrebno uskladiti sa članom 40. stav (3) Zakona, jer je tim članom Zakona propisano da izbom komisiju imenuje Skupština, a ne Izvršni odbor na prijedlog predsjednika.

Član 40. stav (3) Zakonu: Izborna komisija obrazuje se od strane Skupštine SPVU-e. odnosno studentskog vijeća SPVU-e.

28. Član 41. stav (6) Statuta — Ovim je propisano da „kandidati imaju pravo prigovora na tok i rezultate izbornog postupka Izornoj komisiji u roku od tri dana od provedenih izbora“, što je potrebno uskladiti sa članom 40. stav (7) Zakona kojim je propisano da se ovo pitanje rješava donošenjem akta iz člana 42. Zakona (izborni akt).

Član 40. stav (7) Zakona: Kandidati na izbornim listama imaju pravo prigovora na tok i rezultate izbornog postupka na način i u rokovima definisanim aktom SPVU-e iz člana 42. ovog Zakona.

29. Član 42. Statuta — Ovim članom je utvrđena izborna procedura, a što je potrebno uskladiti sa članom 42. Zakona kojim je propisano da se posebnim aktom studentskih organizacija preciznije uređuje izborna procedura (sa utvrđenim elementima koji su navedeni u samom članu Zakona).

30. Član 45. Statuta — Ovim članom je propisano da „Izvršni odbor donosi godišnji finansijski plan SPUS-a i usvaja izvještaj o poslovanju i godišnji obračun na prijedlog predsjednika“, što je potrebno uskladiti sa članom 29. stav (4) tačka (h) Zakona, jer je Zakonom propisano da Skupština usvaja finansijski plan, a ne Izvršni odbor kako je to propisano ovim članom Statuta.

Član 29. stav (4) tačka h) Zakona: „bira predstavnike studenata u organizacije, ustanove i tijela čiji je osnivač visokoškolska ustanova, usvaja godišnji program rada i finansijski plan SPVU-e“.

31. Član 47. Statuta — Ovim članom je propisano da su „korisnici budžetskih sredstava SPUS-a dužni namjenski trošiti doznačena sredstva u skladu sa Zakonom, Statutom i budžetom SPUS- a te dostaviti izvještaj Izvršnom odboru odmah po izvršenom projektu“. Nejasno je zbog čega se izvještaji o izvršenom projektu dostavljaju Izvršnom odboru čija nadležnost nije usvajanje izvještaja o poslovanju i utrošku sredstava.

32. Član 51. stav (3) Statuta — Ovim članom je propisano da „autentično tumačenje ovog Statuta daje SPUS svojom odlukom“, što je potrebno korigovati na način da autentično tumačenje Statuta daje Skupština SPUS-a, koja je i donosilac Statuta.

33. Na kraju generalna primjedba — Lektorisati tekst u potpunosti (od prvog do posljednjeg člana) te isti nomotehnički urediti.

U skladu s navedenim, obavještavamo javnost, i da je:

1. Prosvjetni inspektor Kantonalne uprave za inspekcijske poslove (KUIP) utvrdio je da sastav Senata Univerziteta u Sarajevu nije bio u skladu sa Zakonom o visokom obrazovanju, jer nisu bili zastupljeni predstavnici svih ciklusa studija. Također, prethodno je utvrđeno da i u momentu donošenja važnih odluka poput izbora rektora UNSA, nije ispoštovano ni da su zastupljeni predstavnici iz svakog ciklusa studija, svih grupacija nauka i umjetnosti. Ove nepravilnosti direktno su uticale na legitimnost donošenja svih odluka na Univerzitetu.
2. Nadalje, Ministarstvo za nauku, visoko obrazovanje i mlade KS utvrdilo je da ni imenovani studentski predstavnici SPUS-a, u Senatu Univerziteta u Sarajevu nisu izabrani u skladu sa Zakonom o studentskom organizovanju.

Zbog navedenih prekršaja, Ministarstvo je donijelo odluku o brisanju SPUS-a iz Registra studentskih organizacija, što znači da SPUS više nema zakonski status predstavničkog studentskog tijela. Ovo je ključan korak ka uspostavljanju zakonitog i legitimnog studentskog organizovanja na Univerzitetu u Sarajevu.

Pozivamo sve asocijacije vijeća fakulteta da zajednički radimo na uspostavljanju novog, transparentnog i legitimnog studentskog predstavništva, koje će zaista raditi u interesu svih studenata, u skladu sa zakonom i principima demokratskog odlučivanja.